

cum alijs Ordinibus Medicantibus et non Medicantibus: et ea omnia in ampliorem, & favorabiliorem partem et omni sublata restrictione intelligi & interpretari debere. Patet in Bulla quæ Authentica asseruatur in Archivo Sancti Francisci, et Sancti Augustini de Mexico, & est impressa in Bullario, in Bullis ab ipso Paulo expeditis. nu. 4. Cuius fragmentum accipe: quia valde notandum.

¶ Ait ergo Paulus. 4. Cum autem sicut eadem expositio subiungebat, ea quæ sepius Apostolica auctoritate præfata munita existunt, maiorem obtineant roboris firmitatem, dictusq; Clemens Minister cupiat privilegia, facultates, concessionem, indulta, dispensationes, et singulas alias gratias huiusmodi, etiam per nos approbari, innouari, & confirmari. Pro parte eiusdem Clementis Ministri, nobis fuit humiliter supplicatum, ut eisdem privilegijs, immunitatibus, exemptionibus, libertatibus, favoribus conseruatorijs, declarationibus, facultatibus, dispensationibus, gratiis, concessionibus, indulgentiis, et indultis pro illorum obseruantia viridioris nostre approbationis robur adijcere, aliasque in præmissis opportune providere de benignitate Apostolica dig-